

EK: Meclis-i Meşâyih Mensuplarına Ait Sicill-i Ahval Dosyaları*

Sıra: 1

IST_MFT_MSH_SAID_0254_0017_1_1337H_Safer_14 [13 Kasım 1918]_N_0001

Yarımcı Baba Dergâhı postnişini Mehmed Kâzım Efendi.

Suâller¹

- 1- Terceme-i hâl sâhibinin isim ve mahlası ve şöhret ve lakabı, bir sülâle-i ma'rûfeye mensûb ise keyfiyyet-i nisbeti, mezheb-i i'tikâdî ve amelîsi ve hangi tarîkten müstahlef olduğu ve târih-i intisâbıyla müstahlef oluncaya kadar müddet-i hizmeti ve şeyhinin isim ve şöhreti?
- 2- Târih ve mahall-i vilâdeti ve pederinin isim ve şöhreti?
- 3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdiknâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te'lîfi var ise neye dâir olup ne zaman ve nerede tab ve neşrolunduğu?
- 4- Hâl-i hâzırda veyâhud evvelce hizmet-i devlette bulunup bulunmadığı?
- 5- Postnişini bulunduğu dergâh-ı şerîfin bir veya müteaddid ismi ve ne nâm ile yâd olunduğu ve semt-i meşhûru ve meşihat cihetinin târih-i tevcîhi?
- 6- Bânîsinin ve ikinci bânîsi var ise isimleri ve târih-i binâsı?
- 7- Dergâhın esâsen mensûb olduğu tarîkat-i aliyye ile el-yevm erkânı icrâ edilmekte olan tarîkat-ı aliyyenin ismi, eyyâm ve leyâli-i mahsûsası, el-yevm icrâ-yı erkân edilmemekte ise sebebi?
- Dergâhta meşihatten mâ'adâ cihât-ı sâirenin meşrût ve mevcûd olup olmadığı ve kimlerin uhdelerinde bulunduğu ve dergâhın ma'mûlün-bih ve müseccel vakfiyesi bulunup bulunmadığı ve vakfiyesi yok ise te'âmül-i kadîmi neden ibâret olduğu?
- 8- Sâhib-i tercemenin hulefâsı var ise isim ve şöhretleri ve mahal ve târih-i vilâdetleri ve inâbe eden dervîşânın adedi?

* Meşihat Arşivi'nde Sicill-i Ahval İdaresi Dosyaları (SAİD) fonunda yer alan Meclis-i Meşâyih mensuplarına ait tercüme-i haller.

1 Terceme-i hal sâhiblerine Meclis-i Meşâyihçe sorulan matbû' suâllerdir.

Cevaplar²

1- İsmim Mehmed Kâzım Efendi olup ehl-i sünnetten; Mâturîdiyyü'l-î'tikâd ve Hanefiyyü'l-mezhebimdir.

Fî 5 Zilhicce sene [1]332 [25 Ekim 1914] târihinde Üsküdar'da Halimgülüm Dede Dergâh-ı şerîfi Şeyhi Hâfız Muhammed Emin Efendi merhûmdan ahz-ı icâzet eyledim. Pederim merhûmun sıgar-ı sinnimde vefâtına mebnî Tophâne'de kâin Kadirîhâne'ye otuz seneye karîb devâm ile âdâb ve erkân-ı tarîki ahz u telakkî eyledim.

2- Bin iki yüz seksen bir senesinde Üsküdar'da tevellüd ettim. Pederim Şeyh Mehmed Ârif merhûmdur.

3- Üsküdar Atlamataşı Rüşdiyesi'nde tahsîli mu'tâd olan ulûm ve fûnûn ve hutûtu okuyup yazdım. Ba'dehû Üsküdar dersiâmılarından Hoca Sâlih Nâzım Efendi merhûmdan bin üç yüz on sekiz senesinde tekmîl-i nûsah ile bir kıt'a icâzetnâme ahzına muvaffak oldum.

4- Üsküdar'da Paşalimanı'nda kâin Silahdar Abdurrahman Ağa Câmi'-i şerîfi imâmeti bâ-berât-ı âlî uhde-i âcizânemde el-yevm ifâ-yı hizmet etmekteyim.

5- Üsküdar'da Paşalimanı nâm mahalde kâin Kadirî Dergâh-ı şerîfinin hizmet-i meşîhati fi 20 Zilka'de sene [1]332 [10 Ekim 1914] târihinde uhde-i âcizâneme tevcîh olunmuştur.

6- -

7- Dergâh-ı mezkûrun bânî-i evveli tarîk-i aliyyeden Yarımca Baba olup bin iki yüz kırk iki senesinde cennet-mekân Sultân Mahmud Hân-ı Sâni tarafından büyük pederim Şeyh Ahmed Efendi'ye ihsân olunarak mûmâ-ileyh tarafından dahi Kadirî Dergâhı olmak üzere binâ ve küşâd edilerek el-yevm Kadirî Şeyh Ahmed Efendi Dergâhı nâmıyla yâd olunmaktadır.

Cumartesi günleriyle leyâlî-i mübârekede erkân-ı Kâdirî icrâ olunmakta.

8- Halîfem yoktur. Devâm edenler muhibbândan ibâret olup münîbâtım yoktur.

Sıra: 2

IST_MFT_MSH_SAID_0254_0018_1_1337H_Safer_14 [13 Kasım 1918]_N_0001

Hallaç Baba Dergâhı postnişini Hüseyin Seyfeddin Efendi.

Suâller:

1- Terceme-i hâl sâhibinin isim ve mahlası ve şöret ve lakabı, bir sülâle-i ma'rûfeye mensûb ise keyfiyyet-i nisbeti, mezheb-i î'tikâdî ve amelîsi ve hangi tarîkten müstahlef olduğu ve târih-i intisâbıyla müstahlef oluncaya kadar müddet-i hizmeti ve şeyhinin isim ve şöreti?

2- Târih ve mahall-i vilâdeti ve pederinin isim ve şöreti?

3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdiknâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te'lîfi var ise neye dâir olup ne zaman ve nerede tab ve neşrolunduğu?

4- Hâl-i hâzırda veyâhud evvelce hizmet-i devlette bulunup bulunmadığı?

2 Terceme-i hal sâhibinin matbû' suâllere bizzat yazdığı cevaplardır.